

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), a u vezi sa članom 45. stav (4) Zakona o izvršavanju Budžeta Zeničko-dobojskog kantona za 2019. godinu ("Službene novine Zeničko-dobojskog kantona", broj: 3/19), na prijedlog Ministarstva za pravosuđe i upravu, Vlada Zeničko-dobojskog kantona, na 42. sjednici, održanoj dana 06.02.2020. godine, donosi

ZAKLJUČAK

I.

Prihvata se izvještaj o izvršenju Programa utroška sredstava kapitalnih ulaganja za 2019. godinu, Ministarstva za pravosuđe i upravu Zeničko-dobojskog kantona, sa pozicije "Nabavka zemljišta" i čini sastavni dio ovog zaključka.

II.

Zaključak stupa na snagu danom donošenja.

PREMIJER

Mirza Ganić

Broj: 02- /20

Datum, 06.02.2020. godine

Z e n i c a

DOSTAVLJENO:

1x Ministarstvo za pravosuđe i upravu,

1x Ministarstvo finansija,

1x a/a.

IZVJEŠTAJ

o izvršenju Programa utroška sredstava kapitalnih ulaganja za 2019. godinu, Ministarstva za pravosuđe i upravu Zeničko-dobojskog kantona, sa pozicije "Nabavka zemljišta"

Zaključkom Vlade Zeničko-dobojskog kantona broj: 02-14-16634/19 od 08.11.2019. godine, usvojen je Program utroška sredstava kapitalnih ulaganja za 2019. godinu na poziciji 821100 – nabavka zemljišta, u ukupnom iznosu od 24.000,00 KM.

Na osnovu Ugovora o kupoprodaji nekretnine-zemljišta, u vlasništvu općine Žepče, zaključenog između Općine Žepče i Zeničko-dobojskog kantona, koga je predstavljalo Ministarstvo za pravosuđe i upravu, a koje je zastupao ministar Nebojša Nikolić, kupljeno je zemljište površine 776 m² po cijeni od 23.280,00 KM, radi izgradnje zgrade Općinskog suda u Žepču.

Pripremu projektne dokumentacije je provelo Visoko sudsko i tužilačko vijeće putem projekta unapređenja efikasnosti pravosuđa kojeg finansira Vlada Švedske, izvođenje radova i stručni nadzor nad izvođenjem radova bit će finansirani od strane Evropske unije u sklopu projekta IPA 2017, dok će Vlada Zeničko-dobojskog kantona snositi troškove pribavljanja odobrenja za građenje i troškove taksi za komunalne priključke za navedene objekte.

Pregled utroška sredstava kapitalnih ulaganja za 2019. godinu „nabavka zemljišta“ prikazan je u niže navedenoj tabeli:

Naziv projekta	Visina odobrenih sredstava	Opis izvršenja	Utrošena sredstva u KM
Kupovina neizgrađenog građevinskog zemljišta za izgradnju poslovne zgrade Općinskog suda u Žepču, Troškovi notarske obrade i ostali troškovi vezani za kupoprodaju	24.000,00	U skladu sa Ugovorom o kupoprodaji kupljeno je 776m ² zemljišta, za gradnju zgrade suda	23.280,00
UKUPNO:			23.280,00